

# Txirritola

ARAMAIO / Eguena / 2003ko uztailaren 24a / 74. zenbakia

KOORDINATZAILEA: Ubane Madera • Otolora Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

## Gazteek kultura etxekoa ez den lokal bat eskatu dute, gaztetxe moduan erabiltzeko

U.M.

Oporren aurreko azkeneko osoko bilkura egin zuten herenegun, martitzena. Landutako gaien artean, besteak beste, Udalaren diru-kontuak izan zituzten berbagai. Horrez gainera, gazte lokalen gaia ere landu zuten zinegotziek, baina ez zuten erabakirik hartu.

Gazte lokalei dagokienez, alkateak jakinarazi digu gazteengandik proposamen berria jaso dutela. Itxura denez, Udalari adierazi diote ez dutela kultura etxeko lokalik gura, baizik eta bestelako edozein lokal, euren gaztetxe moduan erabiltzeko eta antolatzeko. Hala, besteak beste, gazteek ezarriko lituzkete arauak. Hain justu, Ibargoiaren Udalak duen etxe bat eskatzen dute gazteek hori egiteko.

Baina Mertxe Mondragonek jakinarazi digu gazteek nahi duten lokal hori datorren urtera arte okupatuta dagoela eta, horren ondorioz, oraingo ezin dietela utzi, eta bestelako lokalik ez dutela gazteei uzteko moduan. Hala, esan digu orain gazteen esku dagoela erabakia. Hau da, Udalean zain daude gazteek Udalak egindako



Irailaren 17an egingo du udalbatzarrek oporren osteko lehenengo osoko bilkura.

proposamenari (kultura etxeko gazte lokalekin lotutakoa) baietza edo ezetza ematen dioten. Eran-tzuna ezezkoa bada, gazteek euren kabuz moldatu beharko dute.

### BESTELAKO GAIAK

Gazte lokalez gainera, bestelako gaiak ere landu zituen udalbatzarrek. Hain zuzen ere, Nagore Artamendi idazkariak esan digunez,

irailera arte osoko bilkurarik ez dagoenez, pilatutako gaiei irtenbidea emateko egin nahi izan dute oraingo asteko batzarra.

Landutako gaien artean, adi-

*Pilatutako gaiei irtenbidea emateko egin nahi izan dute oraingo asteko batzarra*

bidez, Residencial Goal enpresak Aramaioko Udalari eman behar dion diru-sarrera izan zuten berbagai. Kontua da enpresa horrek etxeak eraiki behar dituela eta, herriko lurak erabiltzeagatik dirua eman behar diola Aramaioko Udalari: 15 mila euro pasatxo. Diru horren ordainketa zelan egin aztertu behar zuten batzarrean.

Horrez gainera, eta diru kontuekin segituz, irailari begira diru sarrera berriak lortzeko bideak aztertu behar zituzten. Udal batzardeei urtea bukatzeko duten diru-partiden berri eman behar zieten. Eta Andra Mari Kofradiak eliza konpontzeko eskatutako laguntza ere aztertu behar zuten. Dena dela, albiste hau bukatzean batzarra egin barik zegoenez, ez dugu jakiterik zein erabaki hartu zituzten.



### Arriola-Arexolako mugako argazkia

Hara hor zelako argazkia bidali diguten Arriola-Arexola ingurutik! Ezkerretik hasita Nerea Arrese, Leire Arregi eta Larraitz Arrese dira hiru neskatilak. Arriola-Arexolako mugan dago aterata argazkia, auzoko jaietan. Primeran ibili zirela kontatu digute, gainera. Bestalde, euretako bat, Nerea Arrese Kolonbian dago lanean, laguntzen; hain justu, bera han dagoenez, familia berarekin gogoratzen dela eta ekarri digute argazkia. Abuztu amaieran bueltatuko ei da Nerea etxera. Bada, bien bitartean, ondo ibili!

### LABUR

#### Udaletxea itxita egongo da abuztuan bi astez

Abuztuan pare bat astean oporrrak hartuko ditu herriko udaletxeak. Hain zuzen ere, itxita egongo da abuztuaren 11tik 22ra bitartean. Hori bai, tarte horretan larrialdiren bat izanez gero, Udalak laguntza telefonoak utziko ditu herri-tarren eskura. Udaletxeko telefonora deituz gero, automatikoki jakin ahal izango dira zenbakiok (945 44 50 16).

Eta abuztuaren 11ra arte eta abuztuaren 22tik aurrera, iraila barne, udako ordutegiarekin ibiliko dira: 09:00etatik 14:00etara.



**TELEFONOJAKINGARRIAK**

**OSASUNA / LARRIALDIK**

Osasun etxea (txandak) . . . . .	945 44 53 40
Botika . . . . .	945 44 50 03
Udaletxea . . . . .	945 44 50 16
Ertzaintza (Arrasate) . . . . .	943 79 71 99
Gurutze Gorria (Legutio) . . . . .	945 45 52 52
San Martín Eskola . . . . .	945 44 50 04
Taxia eta autobusak . . . . .	945 44 50 33
Udal kiroldegia . . . . .	945 44 53 35
Postetxea . . . . .	945 44 50 83
Zuñako Eskualdea . . . . .	945 43 01 67
Suhiltzaileak (Zubillaga) . . . . .	943 78 28 00

**AUTOBUSORDUTEGIA**

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

  

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

**OHARRA:** izartxoak duten orduetan eskaeraren arabera zerbitzua eskaintzen dute. Auzoetako bizilagunei zuzendutako da, eta autobusa erabili gura badute, bezperan deltu beharko dute honako zenbaki honetara: 629 54 59 23

**OHARRAK**

**ZERGA ORDAINDU BEHARRA**

Datorren egunean, hilak 31, bukatuko da Hiri eta Landa-lur Ogasun Higiezi-  
nen gaineko zerga ordain-  
tzeko epea. Ordainketa  
Vital Kutxan egin beharra  
dago. Eta aipatutako epea  
gaindituz gero, ordainagi-  
riak %20ko ginkarguare-  
kin kobratuko dituzte.  
Helbideratuta zituzenen  
ordainagiriak joan den  
uztailaren 10ean kobratu  
zituzen.

**OSASUN ETXEA ABUZTUAN**

Abuztuan Aramaioko  
osasun etxean ez da aldake-  
tarik izango, eta betiko  
ordutegian jardungo dute  
lanean: 08:00etatik 20:00ak  
arte. Bestalde, gogoratu  
Inspektzioko Bulegoan  
udako ordutegiarekin  
dabiltzala lanean: 09:00eta-  
tik 14:30era arte. Eta hala  
jarraituko dute abuztuan  
eta irailean.

**UZTAILEKO ZINEMA**

Oraingo zapatuan *La  
máscara del faraón* filma  
emango dute kultura  
etxean, 22:00etan. Era  
berean, gogoratu irailera  
arte zapatuetan izango dela  
zinema saioa.

# Parte-hartze handia Erretiratuen Astean; zapatuan bazkaria izango da

U.M.

**Bide onetik doa aurtengo Erretiratuen Kultura Astea. Orain arteko ekimenetan, behintzat, parte-hartze handia izan da. Eta zapatuko bazkari-rako ere gauza bera espero dute antolatzaileek, Alaia Elkartekoek. Menu goxoa eta opariak izango dira.**

Ehun bat lagunek eman du izena etzi, zapatua, eskolako jangelan egingo duten bazkarirako. Aramaioko erretiratuak, alargunak eta pentsiodunak izango dira bazkari horretan. Hala adierazi digute Alaia Elkarteko kideek. Esandakoaren arabera, Gertu izeneko enpresak menu goxo-goxoa prestatuko die guztiei; bazkalostean, euren sasoiko kantuekin dantza egiteko aukera izango dute. Eta gero opariak banatuko dituzte: hiru opari, orain arte oparirik jaso ez duten zaharrendakoak (80 urtetik gorakoak dira).

Horrez gainera, orain arteko ekimenetan parte-hartze handia egon da. Astelehenean, adibidez,



Erretiratuak adi-adi egon ziren astelehenean Susana Martínez gizarte langilearen esanak entzuten.

Susana Martínezek oinarrizko gizarte zerbitzuen gaineko ber-  
baldia egin zuen; martitzenean,

osasuna izan zuten berba-  
gai Javier Esapaña medikuaren  
eskutik. Eta, eguaztenean, auto-

busa bete lagunek parte hartu  
zuten Araban barrena egindako  
txangoan.

**BOTEPRONTOAN/ Reme Berasategi · Eskularen irakaslea**

## “Hogei urte daramatzat; Gasteizen hasi nintzen ikasten, eta harrezkero ikastaroak egiten nabil”

**A**ramaiar askok ezagutzen dute Reme irakaslea, batez ere emakumeek. Hura da eta aspalditik eskularen irakasten ibiltzen dena. Zamoran jaio zen, baina urte eta erdierekin Agurainera joan zen bizi izatera. Gero, Aramaioko lagunarekin ezkondu zen, eta 26 urtez Aramaion bizi izan eta gero, orain Agurainera itzuli beharko du, senarraren lan kontuen ondorioz. Dena dela, ziurtatu digu uzten dioten bitartean, behintzat, Aramaion segituko duela, emakumei eskularen irakasten, hain zuzen ere:

**Zelako eskularen irakusten dituzu?**

Denetik. Eztainua bozeltzen, zeramika dekoratzen, egurra lantzen eta dekoratzen, zaharberritzen, makramea... Edozelan ere, gaur egun eskularen irakasten asko ez dira egiten. Nik 20 urte daramatzat honetan; Gasteizen hasi nintzen ikasten, eta harrezkero ikastaroak eta ikastaroak egiten ibili naiz. Eta gauza asko ikasi ditut, baina badira batzuk gaur egun ez direla egiten: makramea, hiru dimentsiotako margolanak... Ni orain oihalekin nabil lanean, ohe-estalkiak egiten, jendeak beira asko lantzen eta dekoratzen du, egurra... Izan ere, gauza erabil-



garriak egin ditzakete, dekora-  
zio hutserako gauzak egin  
beharrean. Ni orain *Tyfanis*  
ikasten nabil, zatitutako beirare-  
kin egiten diren lanparak.  
Asmoa da gero hori erakustea.  
**Hortaz, etengabe ikasten eta berritzen ibili behar duzu...**  
Bai, beti. Urte osoa ematen dut ikastaroren baten.  
**Orain Aramaioko emakumeekin zabilta; baina lehenago umeekin ibilitakoa zara, ezta?**  
Bai. Hamar urtez ibili nintzen eskola-ordu kanpo eskularen irakusten. Sasoi hartan, gainera, ume mordo zegoen. Hasiera-  
ko urteetan hirurogei ume inguru nituen.  
**Nolatan utzi zenuen hori?**  
DBHren legea aldatu zutenean, Aramaioko umeak kanpora joaten hasi ziren. Hala, nagusiak falta ziren; eta akaso txikiak aspertu-edo egin ziren. Gaur

egun, umeek batez ere kirolak, musika, hizkuntzak... ikasten dituzte.  
**Arrasatez gain, inguruan ere bazabiltza, ez?**  
Eskoriatzan 13-14 bat urte daramatzat; Arrasaten sei urte; eta Aramaion, orain, emakumeekin sei-zazpi urte.  
**Zenbat talde dituzu? Eta zein ordutegi?**  
Aramaion bi. 13-14 laguneko taldeak. Itur Zuri elkarteak antolatutako ikastaroak dira. Orain arte martitzenetan eta eguenean ematen nituen eskolak. Baina datorren ikasturtean egun bakarrean emango dut dena, Aguraindik etorri behar izango dudanez... Asmoa da eguenean ematea.  
**Irailean...**  
Umeak eskolan hasten direnean hasi ohi gara.  
**Eta hortik aurrera?**  
Jarraitzea espero dut; dena dela, horrelakoetan erakundeen dirulaguntzekiko mendekotasun handia izaten da.  
**Zein mailatako eskolak ematen dituzu: hastapenekoak...**  
Ikasleen arabera. Batzuk denbora-pasa moduan etortzen dira, jendearekin harremanetan jartzeko; eta beste batzuek sakonago landu nahi izaten dute euren lana.

*“Eskoriatzan 13-14 bat urte daramatzat; Arrasaten, sei urte; eta Aramaion, sei-zazpi urte”*

*“Aramaioko taldera Arrasateko jendea ere etortzen da. Parte hartzeko Itur Zurirajo behar da”*